

**NAŠA
STRANKA**

Politička organizacija građana „Naša stranka“
Općinski odbor Velika Kladuša
Adresa: Huske Miljkovića 2
Telefon: 00387 60 311 6674
E-mail: info@kladusajenasa.org

Bosna i Hercegovina
Federacija Bosne i Hercegovine
Unsko-sanski kanton
Općina Velika Kladuša
Općinsko vijeće
Služba za prostorno uređenje,
imovinskopravne i geodetske poslove

PREDMET: VIJEĆNIČKA INICIJATIVA

Poštovani_e,

Na osnovu člana 7. Poslovnika Općinskog vijeća Općine Velika Kladuša kojim se propisuje pravo vijećnika da podnosi inicijative, koje se odnose na rad Općinskog načelnika i službi za upravu u izvršavanju zakona, drugih propisa i općih akata Općinskog vijeća, kao i na rad institucija koje imaju javna ovlaštenja, upućujem **vijećničku inicijativu za izradu registra kulturno-historijskih obilježja i spomenika na području općine Velika Kladuša.**

O B R A Z L O Ž E N J E:

Na današnji dan 24. maja 1944. godine poginuo je Ibrahim Mržljak u svojoj 21. godini života, a 24. jula 1953 godine je proglašen narodnim herojem Jugoslavije. Potaknut stanjem u kojem se nalazi spomen obilježje podignuto u čast Ibrahima Mržljaka, koje se nalazi na porodičnim mezarlicama u naselju Zagrada, upućujem Inicijativu za izradu registra svih kulturno - historijskih obilježja i spomenika na području Općine Velika Kladuša kako bi se u budućnosti mogao vršiti neposredni nadzor, čuvanje te planirati sredstva za potrebno održavanje.

Nije mi poznato da, pored starih gradova (Vrnograč, Todorovo i Podzvizd), džamija (Gradska, Barake, Zagrad i Šabići), harema džamije u Polju i crkve svetog Velikomučenika Georgija koji su proglašeni nacionalnim spomenicima, imamo evidenciju o ostalim kulturno-historijskim obilježjima na području naše općine. Ono što mi je poznato je to da je velika većina njih zaboravljena i prepuštena zubu vremena, aposebno oni koji čuvaju spomen na period Narodnooslobodilačke borbe.

Tek kada utvrdimo šta imamo na terenu i u kakvom je to stanju, možemo vršiti klasifikaciju, stvarati listu po važnosti i ugroženosti. Zakonom o zaštiti kulturnog naslijeđa USK propisano je da su spomenici kulture dobra od općeg interesa koja uživaju posebnu zaštitu i koriste se pod uvjetima i na način propisan zakonom. Istim Zakonom je propisano da finansijska sredstva za poduzimanje potrebnih radnji na zaštiti kulturnih dobara osiguravaju u budžetu USK i budžetu Općine.

Zbog svega navedenog mislim da je prvi korak ka sistemskom očuvanju spomenika i kulturnohistorijskih dobara na području Velike Kladuše upravo izrada Registra koji bi trebao sadržavati sljedeće podatke:

- naziv kulturnoga dobra,
- oznaku vrste kulturnoga dobra (nepokretno, pokretno, nematerijalno kulturno dobro),
- klasifikacija kulturnoga dobra - smještaj kulturnoga dobra (adresa, naselje)
- autora/autore kulturnog dobra, - vrijeme nastanka (datacija),
- sažeti opis kulturnog dobra, - fotografiju kulturnog dobra.

Predlažem da Registar kulturno-historijskih obilježja i spomenika na području općine Velika Kladuša bude izrađen najkanije šest (6) mjeseci od usvajanja ove inicijative od strane Općinskog vijeća Velika Kladuša. Za izradu Registra zadužuje se Služba za prostorno uređenje, imovinskopravne i geodetske poslove Općine Velika Kladuša.

Ime i prezime: Zlatko Pajzetović

Klub vijećnika Naše stranke

Velika Kladuša, 24.05.2023. godina

